

中興禮書

中興禮書第二百七十八卷

凶禮四十三

懿節皇后

奉謚用寶

紹興十二年五月十八日吏部言權禮部侍郎施垌等  
劄子檢會國朝園陵故事尚書省集官擬謚係令侍從  
臺諫以上并禮官集謚六曹郎官以上書謚所有今來  
大行皇后集謚欲依上件故事施行奉聖旨依本部集  
工部尚書莫將等赴都堂議大行皇后謚議曰尊雖有  
厭而禮緣愧極之隆道本無成而義著飾終之實眇觀  
古始貽則方來蓋所以竭茂範於椒塗而騰遺芳於彤  
管者也恭惟大行皇后挺生華胄作合潛閑恭儉仁慈

初不煩於保訓艱難契闊每密跂於母儀行將承式於  
六宮遽乃纓悲於四海昔光烈方漢紹基中夏也適當  
建武以來歸然元欽在晉正位長秋也僅致太興之追  
用莫如上聖之篤舊亟敷大號於維新特安樂之靡同  
仰哀榮之備盡自非秉全懿而迪德之奧厲正節而率  
履之常則何以軼前聞而侈後祉歟謹按謚法柔克有  
光曰懿能固所守曰節予以合時衆美參協擬稱僉以  
謂宜敢詔萬世請上大行皇后謚曰懿節皇后謹議  
二十三日禮部太常寺言今月十二日集官議大行皇  
后謚號依故例合降勅差撰謚議官一員撰謚用文官  
一員書謚用文官一員篆謚寶文官一員詔撰謚用文  
官參知政事王次翁書謚用文兼篆謚寶文官差簽書

樞密院事何鑄撰謚議官差給事中兼直學士院程克俊二十八日給事中程克俊上大行皇后謚議曰臣聞坤元持載雖右轉而罔怠於承天月曜著明雖西徂而不忘於邇日是知心存儼極者靡契濶之間禮厚飾終者隆節惠之文爰謹易名以詔來裔共惟大行皇后祥開玉勝異表菖花賦柔明婉嫺之恣蘊慈惠溫恭之德蚤嬪朱邸播華族之芳徽宜踐青規正長秋之顯號觀其動中環珮謹歲圖也服勤蘋藻共祭祀也身衣大練敦節儉也志在進賢毋險設也天方悔禍將還御於中宮命乃不融來訃音於北道默黎實涕黃屋興嗟念永閔於鞠衣廼特書於彤管謹按謚法柔克有光曰懿能固所守曰節大行皇后孝養著于艱難遐邇化乎婦

順茲不曰懿乎處儉而不失其正造次而不違乎仁茲  
不曰節乎伏請上謚號曰懿節皇后謹議

六月三日參知政事王次翁上懿節皇后謚冊文皇帝  
若曰內外正者天地之大義教化明者風俗之大原其  
生也榮必嚴名號以崇之其死也哀必顯聲稱以褒之  
斯萬世不易之禮而百王共守之規雖在艱難敢違典  
故大行皇后邢氏溫良之性謹淑之姿誕降華宗作嬪  
朱邸有葛覃之恭儉有卷耳之憂勤有閔睢進賢之心  
有兔置好德之化洽之陽渭之渙顯為閔閔之光治之  
汴澗之濱虔恭祭祀之職固可以母儀四海而婦承九  
祧矣綸猷未施翟車從狩髣髴玉衣之瑞注想平生契  
闊金屋之恩未諧素志載惟菲德嗣守丕基雖漢宣求

劍之情每懷舊念然周雅造舟之詠尚阻新儀此所以  
寤寐展轉望吾良佐而不能忘也茲者大邦修好和議  
告成庶迎駟馭之還安饗椒房之奉主張陰教似續徽  
音如塗山如瀉汭如嫫如妣如娥如莘於以厚人倫於  
以固邦本以示天地之大義以恢風俗之大原豈特耀  
一時而榮九嬪哉天固難諶事遽前料彫面驚總方侯  
南歸踦壁駟圭遽驚北訃聞問失措茹痛何言朕孝於  
事親欲同侍慈寧之溫清爾超然遺世乃遽追顯肅之  
僊遊象服具存音容永閔六宮子慕難忘逮下之仁四  
德星昭可後飾終之典今追太傅秦檜用謚日懿節皇  
后精爽不昧朕璽可憑風閉長秋猶想當時之輔佐芳  
流彤管永貽奕世之光華嗚乎哀哉詔付書用文官

宋會

少卿讀寶兵部侍郎程瑄給事中程克俊舉用太常  
少卿王寶祠部員外郎段拂舉寶吏部員外郎江少齊  
部禮部厚外

四日禮部太常寺言大行皇后謚號已降勅下今參酌  
申請事件下項 一今來應行移等依體例候奉上謚  
號用寶了日合稱懿節皇后 一修製寶文今欲以懿  
節皇后之寶六字為文詔依

十六日禮部太常寺言將來奉上大行皇后謚號用寶  
告廟畢次日詣几筵前行奉上之禮今參酌合行事件  
下項 一奉上謚用寶日依禮例皇帝前後殿不視事  
是日百司作休務假一日 一將來奉上謚用寶禮畢  
依禮例文武百僚詣常御殿門進名奉慰 一依禮例  
合前二日奏告天地宗廟社稷宮觀 一合用御封降

真香一合 一於几筵殿行禮其太傅以下行事官文武百僚並常服黑帶權去金玉飾立班兼殿門内外地步墜窄今欲乞用寶權置位并行事官於殿下立班陪位百僚隨地趨那若值雨濕潤除行事太傅以下并權置用寶位並於几筵殿東廊隨宜升降東側階 一奉上謚用寶禮畢其用寶并沿用寶法物依禮例於几筵殿安奉欲乞令本殿官交割收掌詔依

十七日禮部太常寺言將來修製大行皇后謚號用寶了日奉用寶告於太廟合行事件 一將來告廟行禮日依禮例皇帝前後殿不視事是日百司作休務假一日 一合用御封降真香一十一合白幣一十一段祝文一十一首並述以大行皇后謚用寶告廟之意 一



告廟合差奉禮郎太祝太官令各一員乞降勅差太常寺一將來自內降出謚冊寶告廟係於南神門外設冊寶帷告廟畢次日詣几筵前奉上冊寶合於几筵殿門外設冊寶帷安奉其奉冊寶太傅以下後從冊寶至逐處安奉訖并捧冊寶職掌等並合於冊寶帷之側宿衛所有逐次帷次令儀鸞司臨安府排辦一乞令入內內侍省專差內侍二員掌管進退謚冊寶訖降出令文思院於告廟前一日奉謚冊寶計會所差內侍進呈降出詣常御殿門外交付禮部以俟援衛一告廟每位合用酒脯鹿鬻茅蠟燭上香炭等下臨安府排辦一合差宮闈令四員與本廟官同共遷納下入內內侍省差一奉冊寶告太廟其太傅并讀冊寶官舉冊寶

官奉禮郎太祝太官令並服祭服外應陪位文武百僚并宮闈令並服常服吉帶立班若雨降濕潤於東神門上隨宜立班詔依

十八日禮部太常寺言將來奉上大行皇后謚冊寶告廟并次日詣几筵前奉上稱太傅一員依禮例差宰臣乞降勅差官詔依

同日權禮部侍郎施垌等言據太史局選到奉冊寶告廟日用六月二十七日戊子吉次日詣几筵殿奉上冊寶行禮緣同日欽慈皇后忌辰欲乞是日百僚先行香訖次詣几筵殿奉上冊寶立班詔依

十九日禮部太常寺言將來奉上大行皇帝謚冊寶前一日告廟并次日詣几筵前行奉上之禮合差讀寶官

一員讀冊官一員乞降勅差侍從舉冊官二員舉寶官一員乞降勅差太常少卿禮祠部郎官詔依

二十日禮部太常寺言奉上天行皇后謚冊寶依禮例

合前二日奏告天地宗廟社稷宮觀今具差官并合行

事件下項 一奏告天地合差奏告官一員依例降勅

差宰執宗廟合差奏告官一員依例降勅差南班宗室

太社太稷天慶觀報恩光孝觀合差奏告官三員乞降

勅差侍從 一合用御封降真香一十九合祝文一十

五首內天慶觀報恩光孝觀合用青詞二通並上以奉

期後鑄幣用寶前幣一十九段一十五黃一白一奏告天

地社稷合用神位版并鋪設學生下太史局差辦 一

逐處各合差奉禮郎太祝太官令各一員內太祝差人

无並前一日赴祠所致齋欲乞輪差太常寺官外餘申吏部差官一奏告逐處合用酒脯鹿麝蠟燭鵝梨法醬香爐匙合縮酒茅燎草等並下臨安府排辦詔依

奉謚用寶告廟儀

其日有司守行宮門奉謚用寶進呈訖降出其告廟行事官奉禮郎太祝太官宮闈令徑赴太廟奉安所幕次宿齋奉用寶太傅讀用寶官舉用寶官並服常服并贊引人捧用寶職掌援衛人等並守行宮門入詣常御殿門外幕次俟謚用寶降出至常御殿門上置定太傅以下立班迎拜訖權退側身立俟有司奉謚用寶進行太傅以下後從至宮門外並乘馬從至太廟奉安所門外下馬從謚用寶至廟南神門外幄次安奉訖太傅以下

退歸幕次宿齋

廟前一日以上之事

告廟日俟開太廟奉安

所門訖應陪位官各入就次

行事官服祭服陪位官服常服俟有司

排辦酒脯禮料畢備奉用寶詣殿下西階之西東向權

置位用北寶南次祠祭官引宮闈令詣殿下褥位北向

再拜訖升殿就位立定次御史臺太常寺閣門分引文

武百僚入就位就地之宜次引奉禮郎太祝太官令詣

陪位班之前褥位北向立次引讀寶用官詣用寶案之

後褥位立次引舉用寶官詣讀用寶官之後褥位立次

禮直官引太傅詣殿下東階之東褥位西向立定祠祭

官贊奉神主宮闈令詣諸室奉諸帝后神主訖祠祭官

贊奉神主訖禮直官贊太傅躬拜贊者曰在位官皆再

拜訖先引奉禮郎太祝太官令升殿各就位立定次引

太傅詣盥洗位北向搢笏盥手悅手執笏詣爵洗位北向搢笏洗爵拭爵執笏升殿詣僖祖室香案前搢笏上香再上香三上香跪奉禮郎西向搢笏跪奉幣太傅接幣奠之奉禮郎執笏興先詣次室西向立太傅執爵三祭酒于茅苴奠爵執笏俛伏興請少立次太祝東向搢笏跪讀祝文讀訖執笏興先詣次室東向立太傅再拜訖次詣翼祖室次詣宣祖室次詣太祖室次詣太宗室次詣真宗室次詣仁宗室次詣英宗室次詣神宗室次詣哲宗室次詣徽宗室行禮並如上儀訖奉禮郎太祝太官令各復位立次引太傅降復位少立頃禮直官引太傅詣用權置位立次引舉用官詣用案搢笏舉用匣應奉用寶禮部次職掌先捧用案升殿詣殿上當中置

職掌皆助舉

次職掌先捧用案升殿詣殿上當中置

於褥位訖次太傅搢笏捧用升殿至褥位北向跪奠用  
於案上舉用官奠用訖執笏興少立次太傅執笏興少  
退於褥位立次引讀用官詣用案後北向立舉用官搢  
笏跪舉用讀用官搢笏跪讀用訖執笏興降階復位立  
舉用官奠用舉用匣職掌興先捧案降階置於褥位舉  
用官舉用匣降階太傅後從置于權置位舉用官執笏  
退復位立次引太傅詣寶後立次引舉寶官詣寶案搢  
笏舉寶盥職掌先捧寶案升殿詣殿上當中置於褥位  
訖次太傅搢笏捧寶升殿至褥位北向跪奠寶於案上  
舉寶官奠寶訖執笏興少立次太傅執笏興少退於褥  
位立次引讀寶官詣寶案後北向立舉寶官搢笏跪舉  
寶讀寶官搢笏跪讀寶訖執笏興降階復位立舉寶官

奠寶舉寶盥興職掌先捧案降階置於褥位舉寶官舉寶盥降階太傅後從置于權置位舉寶官執笏退復位立太傅復位立定祠祭官贊奉神主入室宮闈令奉諸帝后神主入室訖祠祭官贊奉神主入室訖次引太傅行事官奉禮郎太祝太官令俱詣望瘞位北向立定禮直官曰可瘞俟有司瘞幣訖太傅已下班退文武百僚以次退俟太傅以下歸次換常服詣用寶幄有司捧用寶進行太傅以下後從出太廟門並乘馬從至几筵殿門外用寶幄權安奉訖太傅并奉上用寶官祇應人並於用寶幄之側宿衛

几筵前奉上用寶儀

其日俟開行宮門陪位文武百僚入詣幕次應行事陪



位官並權易黑帶俟有司排辦畢備奉用寶職掌奉用  
寶詣几筵殿下之西東向褥位權置定用北寶南次御  
史臺太史寺閣門分引文武百僚詣几筵殿隨地之宜  
立定次引讀用寶官詣用寶之後褥位立次引舉用寶  
官於讀用寶官之後褥位立次禮直官引太傅詣殿下  
褥位西向立定禮直官贊太傅躬拜贊者曰拜在位官  
皆再拜訖次引太傅升殿詣太行皇后几筵香案前搢  
笏上香再上香三上香跪一盃茶三奠酒執笏俛伏興  
再拜訖降階復位少立次引太傅詣殿下褥位北向俛  
伏跪奏稱太傅臣某言奉詔奉上下行皇后謚號用寶  
奏訖俛伏興次詣用權置位立次引舉用官詣用案搢  
笏舉用匣興

凡舉用寶皆禮部職掌助舉

次職掌先捧用案升殿詣

殿上香案前置於褥位北向次太傅搢笏捧用升殿至  
褥位北向跪奠用於案上舉用官執笏興少立次太傅  
執笏興少退於褥位立次引讀用官詣用案後北向立  
舉用官搢笏跪舉寶讀寶官搢笏跪讀寶訖執笏興降  
階復位立舉用官奠用舉用匣興職掌先捧用案於殿  
上稍東褥位置定舉用官舉用匣跪置於案上舉用官  
執笏興降階復位立次引太傅降階詣寶權置位立次  
引舉寶官詣寶案搢笏舉寶盥興職掌先捧寶案升詣  
殿上香案前置於褥位北向次太傅搢笏捧寶升殿至  
褥位北向跪奠寶於案上舉寶官執笏興少立次太傅  
執笏興少退於褥位立次引讀寶官詣寶案後北向立  
舉寶官搢笏跪舉寶讀寶官搢笏跪讀寶訖執笏興降

階復位立舉賓官奠賓舉賓盥興執掌先捧賓案於殿上稍東褥位置定舉賓官舉賓盥跪置於案上舉賓官執笏與降階復位立次引大傳降階復位西向立定禮直官贊太傅躬拜贊者曰拜在位官皆再拜訖以次退詣幕次易吉帶詣常御殿門外立班進名奉慰訖退

### 虞祭

紹興十二年六月十六日權禮部侍郎施炯等言今檢會孝章皇后元德皇后故事虞主還京宰臣文武百官班迎於順天門外虞祭於燕國公主第所有今來大行皇后理重立虞今參酌比附上件禮例令太史局就城外擇利方寺院理重立虞行第一虞祭畢次迎虞主入城詣大行皇后宅宰執率百官詣宅門外再拜奉迎退

次有司行九虞祭畢迎奉神主祔廟詔依  
十八日權禮部侍郎施珣等言今來大行皇后祔廟欲  
於七月以後擇日埋重立虞尋闕太史局選定迎重并  
埋重立虞並宜用七月三日甲午吉迎重時宜用其日  
乙時埋重立虞時宜用其日丁時所有利方宜於城外  
東北限位歲中喜神之方於長明寺埋重立虞並吉詔  
依

十九日禮部太常寺言大行皇后擇日埋重立虞今參  
酌合行事件下項 一行九虞祭饗官依故事係太常  
行卿禮今欲乞降勅差本寺少卿 一九虞祭合差奉  
禮郎太禮太官令各一員乞依例輪差太常寺官 一  
今來別廟行饗禮及九虞祭合用御封降真香乞令具

合用數報入內內侍省請降 一行饗禮合用祝文一

首

述以大行皇后之旨廟

太常卿行九虞祭合用祝文

九首

並述以行九虞祭之意

一行饗禮并九虞祭合用白幣一十

段

一合用禮料并行事官幕次等並依常饗禮例報

臨安府排辦合用牲牢亦具數報臨安府收買送牛羊  
司詔依

二十一日禮部太常寺言今參酌條具到埋重虞主回  
合行事件 一迎重日并虞主回日依禮例皇帝不視  
事 一迎重并虞主回大行皇后宅合差威儀僧道各  
一百人乞下臨安府差其儀衛輦官親從官并執打從  
物織扇等並令都大主管所下所屬量人數差 一迎  
重時前合差太常卿一員燒香乞令本寺少卿充詔依

二十三日禮部太常寺言今參酌條具到合行事件  
一今來迎重日并虞主回日合用御封降真香二合  
一迎重日合用絲結殿一座及埋重立虞帷次等大行  
皇后宅合設虞主帷次並乞下儀鸞司同臨安府前期  
結縛釘設 一迎重日俟宰執率文武百僚燒香畢迎  
重時將至太常卿詣重前燒香次几筵殿幹辦官率工  
匠開塹剋擇官抗重捧升絲結殿其工匠報修內司差  
一七月三日於几筵殿迎重於長明寺內帷次俟時  
至埋重立虞次行三虞祭畢迎虞主入城委是日晚百  
官難以奉迎今欲乞於七月四日自長明寺行第四虞  
祭畢迎虞主入城百官並詣大行皇后宅奉迎虞主畢  
次詣常御殿門外奉慰 一迎重立虞日合差內侍官

一員幹辦及晝夜守宿照管遇行禮捧遞乞下入內侍  
省差仍乞下皇城司差親事官一十二人節級人員各  
一名守宿分番祇應 一迎重奏請神靈上虞主時刻  
及祔廟時刻並指引埋重利方合差定時尅擇官一名  
下太史局差 一今來虞主曰日依禮例太常卿行安  
神之禮今欲乞令本寺少卿充合用御封降真香一合  
詔依

同日禮部太常寺言大行皇后擇日埋重立虞行九虞  
祭畢迎神主祔廟依禮經既葬而虞虞而卒哭卒哭而  
祔今乞於大行皇后神主祔廟前依禮例先行卒哭之  
祭次行祔廟之禮今參酌條具到合行事件 一卒哭  
合差行禮官一員乞降勅差南班宗室於祔廟前詣几

筵前行卒哭之祭 一卒哭祭行禮日皇帝不視事俟

几筵殿行禮畢文武百僚詣常御殿門外進名奉慰訖

退 一合用御封降真香 一合祝文一首

述以爲大行皇后神主附

廟前遣官行卒哭祭之禮 白幣一段 一合用牲牢禮料并行事官

等致齋幕次令臨安府排辦 一合差奉禮郎太祝太

官各一員乞輪差太常寺官 一行禮日合用香爐匙

合上香炭燈燭燎草等並於都大主管官指揮所屬排

辦內燎草令主管諸司報皇城司放入其幣帛祝文依

故例交割付几筵殿官一面焚燒詔依

二十八日禮部太常寺言七月三日迎大行皇后重詣

長明寺埋重立虞四日虞主回赴大行皇后宅文武百

僚詣宅門外上香迎拜竊慮不測雨降濕潤難以迎拜





一祔廟日於虞主前奏請神靈上神主訖其虞主依故事合於本室後瘞埋今來別廟係行在權行奉安兼昨顯肅皇后虞主見在本廟權行收奉今欲乞於本廟用寶殿權收奉俟將來迎太廟別廟回京日依故事施行一今來祔饗太廟并別廟行饗禮依故事行事官服祭陪位官服常服所有合用幕次什物等乞下儀鸞司同臨安府排辦若至日雨降濕潤其太廟行事官於東神門上宰執使相於南神門上立班所有別廟行事官於過廊上立班及乞令御史臺閣門相度申請一行事執事官合前十日受誓戒於尚書省內除三獻官依禮例申請降勅差官外其餘行執事官乞依禮例申闕所屬差官一祔廟前二日依禮例奏告天地宗廟社稷

宮觀今欲乞依自來奏告禮例關報所屬排辦施行

一合用御封降真香乞開具合用數報入內內侍省取

降 一合用祝文一十二首

並送以大神主附廟之意

合用白

幣一十二段

一合用禮料并行事官等致齋幕次什

物應合排辦事件並乞依常饗禮例牒報所屬排詔依

二十一日禮部太常寺言今參酌條具到合行事件

一今來神主祔廟前一日并祔廟日依禮例皇帝不視

事俟祔廟禮畢文武百僚詣常御殿門外進名奉慰百

司作各休務假一日 一埋重立虞主并神主祔廟合

差禮儀使一員依禮例差宰臣都大主管官一員係差

入內內侍省官題神主官一員係差翰林學士並乞降

勅差官

宋會要五月二十一日詔禮儀使差尚左僕射  
秦檜都大主管差八內內省押班衛茂實題虞

主差禮部中書直學士院程克俊任並依

一合修製虞主神主并跌座青

羅巾并浴斛題神主筆墨硯瓦及行降沿竇法物等并  
行拊饗禮藉神主紫絹褥一箇並乞下工部指揮文思  
院修製內虞主計會太常寺權行收奉神主於太廟奉  
安所權行收奉以俟拊廟書題詔依

二十三日禮部太常寺言將來大行皇后神主拊廟日  
先行拊謁太廟之禮至日俟題大行皇后神主畢依禮  
合於神宗室東壁西向拊祖姑之下緣即今太廟殿室  
比之在京窄狹委實難以於神宗室前設位今參酌欲  
權宜趨那於室之東夾室前稍南西向設大行皇后神  
主所貴鋪設祭器行禮並無妨礙詔依  
二十四日禮部太常寺言今參酌條具到合行事件

一今來虞主回日并神主祔廟日依禮例迎奉虞主升  
厭翟車用儀仗導引緣今來儀仗未備依禮例止用常  
日儀衛執打從物等導引所有厭翟車乞令都大主管  
官報所屬闕借昨已造大行皇后檐子充代用輦官擎  
捧 一合差威儀僧道各一百人下臨安府差其儀衛  
輦官親從官并合用執打從物繖扇等並令都大主管  
官指揮所屬量人數差內繖扇從物等闕借見今几筵  
殿繖扇從物等供使 一今來立虞主并神主祔廟合  
差扶侍夾侍內謁者內常侍等官具合差員數報入內  
侍省差詔依

二十七日禮部太常寺言已降指揮用七月六日大行  
皇后神主祔廟依禮例合前二日奏告天地合差奏告

官一員乞降勅差宰執宗廟合差奏告官一員乞降勅  
差南班宗室太社太稷天慶觀報恩光孝觀各合差奏  
告官一員並乞降勅差侍從詔依

七月一日祔廟都大主管所言契勘今來懿節皇后埋  
重立虞及神主祔廟窠差儀衛下頃迎重日合服本色  
服係用皂或黃帶子立虞并神主祔廟日並合服吉服  
衣帶其合用衣帶骨朵等令所屬排辦儀衛六百一十  
八人前引四十八人殿前指揮使三十二人快行親從  
一十六人中道編排禁衛子行一十人禁衛子三重第  
一重崇政殿親從一百三十人第二重御龍直長行人  
員一百四十人第三重親兵使臣人員一百五十人內  
殿直散員散指揮散都頭散祗候金鎗銀槍散直禁官

一百六十四人僧道各一百人詔依

五日閤門言契勘今月六日懿節皇后虞主祔廟畢所有七日依例合作歇泊假詔依

### 神主祔廟儀

祔饗前一日其日祔饗并別廟行事執事官並服常服赴太廟奉安所齋坊幕次俟行事執事官齊足詣初獻廳下對揖訖升階收笏就坐點茶畢請執笏立俟太祝習讀祝文訖收笏就坐點湯畢禮直官贊者分引行事執事官詣東神門外省牲位立定禮直官贊揖訖次引監察御史升殿詣諸室前北向視濯滌執事皆舉帟曰潔降復位禮直官曰告潔畢請省牲次引太祝光祿丞巡牲訖退復位禮直官曰省牲畢請詣省饌位揖訖禮

直官贊者分引行事執事官詣省饌畢揖訖退光祿丞  
大祝以次牽牲詣厨授太官令次引監察御史省鼎鑊  
視濯漑訖退還齋所脯後太官令帥宰人以驚刀割牲  
祝史以槃取毛血各置於饌所遂烹牲脯後宮闈令帥  
其屬掃除廟之内外訖還齋所

### 晨課

饗日有司奉迎虞主詣太廟南神門外禮儀使都大主  
管官後從至幄次權安奉訖禮儀使都大主管官權退  
歸幕次僧道先退禁衛更互排立宮闈令詣殿下再拜  
訖開室整拂神幄有司實設禮料大官令監視訖退次  
引光祿卿詣殿下褥位再拜訖升殿點閱畢次引監察  
御史升殿按視訖俱還齋所並服祭服祔饗時將至禮



直官引禮儀使詣神主帳前稍南北向立次禮直官引都大主管官詣禮儀使之東北向立少却次引內謁者入帷揖笏捧懿節皇后神主詣浴斛跪浴拭訖置於案執笏興退次引題神主官詣帷前盥洗位西向揖笏跪手悅手訖執笏入帷詣懿節皇后神主案前揖笏跪題神主訖執笏興退有司漆之次引內謁者詣神主案前揖笏捧神主置於腰輿以青羅巾覆之執笏退次引扶侍夾侍官捧腰輿官捧神主腰輿次於虞主腰輿訖次引禮儀使詣虞主前俛伏跪奏稱禮儀使具官臣某言請懿節皇后神靈上神主奏訖俛伏興退復位立俟題神主將畢先引薦香燈官入詣殿下北向再拜訖升殿次御史臺閣門太常寺分引宰執使相百僚入詣殿度

分東西相向立北上禮直官贊者分引祔饗行事官詣  
東神門外揖位立定禮直官贊揖訖俱入就位立定祠  
祭官於殿上贊奉神主次引薦香燈官入室拈筭奉帝  
主啟匱於後中以白羅中覆之執筭退歸執事位次引宮闈令奉  
后主如上儀中以青羅中覆之執筭退歸執事位祠祭官於殿上  
贊奉神主訖俟太史局報時及禮直官引內常侍詣懿  
節皇后神主帷前西向俛伏跪奏稱攝內常侍臣某言  
請懿節皇后神主進行奏訖俛伏興次詣神主腰輿前  
取巾以匱覆訖次贊者引扶持夾侍捧腰輿內侍詣帷  
捧腰輿進行內常侍前導禮直官引禮儀使都大主管  
官後從入南神正門詣泰階下北向禁衛退御史臺閣  
門太常寺分引宰執使相文武百僚合班北向立定次

引內常侍詣殿下褥位東向俛伏跪奏稱攝內常侍臣某言請懿節皇后神主少駐伏興少退立禮直官引都大主管官先退次禮直官引禮儀使升自泰階詣殿上當中褥位北向俛伏跪奏稱禮儀使具官臣某言請懿節皇后神主祔謁奏訖伏興退歸本班次引宮闈令詣殿下神主腰與前指笏捧神主升自泰階詣殿上當中褥位北向權設于座訖捧腰與內侍捧腰與并扶侍夾侍官權退宮闈令啟懿節皇后神匱設于後以青羅中覆之宮闈令執笏興少立俟祔謁訖宮闈令再指笏跪捧懿節皇后神主興詣祔饗褥位置于座執事者捧神匱設于座後宮闈令執笏退歸執事位禮直官贊有司謹具請行事贊者曰拜在位官皆再拜訖次引監察御史奉禮

卽太祝太官令各升殿就位立定次禮直官引初獻詣  
盥洗位北向立搢笏盥手悅手執笏詣爵洗位北向立  
搢笏洗瓚拭瓚訖以瓚授執事者執笏升殿詣僖祖室  
尊彝所西向立執事者以瓚授初獻初獻搢笏跪執瓚  
執羹者舉罍太官令搢笏跪酌鬱鬯訖執笏興先詣翼  
祖室尊彝所北向立初獻以瓚授執事者初獻執笏興  
詣僖祖室北向立搢笏跪次奉禮郎奉瓚授初獻初獻執瓚以鬯  
者以瓚授奉禮郎奉禮郎奉瓚授初獻初獻執瓚以鬯  
裸地奠瓚次執事者以幣授奉禮郎奉禮郎奉幣以授  
初獻訖執笏興先詣翼祖室前西向立初獻受幣奠訖  
執笏悅伏興再拜訖次詣翼祖室次詣宣祖室次詣太  
祖室次詣太宗室次詣真宗室次詣仁宗室次詣英宗

室次詣神宗室次詣哲宗室次詣徽宗室次詣懿節皇

后神主前裸訖奠幣並如上儀訖俱復位興安之樂作

九成止既神晨裸薦香燈官取毛血奠於神座前太官

令取肝以鸞刀制之洗於鸞匋貫之以骨燎于爐炭薦

香燈官以肝膏詔於神座又以墜祭三祭於茅苴退復

位於龍節德皇后神位前十六日視行事宋會要九月九日梓宮

侍即於龍節德皇后神位前十六日視行事宋會要九月九日梓宮

六月乙酉朔二日庚戌祭文日梓宮啟後廟于五國城在己未

龍于德宮之西階粦以次從變禮也書庚申朔七日丙寅

素月墜于長教悲風回于廣厦皇帝輿後復鳴苑怨烟

極備百禮以臨遠望九京而啟行自姓周錫津涼鳴苑怨烟

而侯以通爵為氏妾燧漢唐婢聯魯街祚賜前姓受社壽列

奇有美刑媛叶瑞萬花假有疑家龍被綠柔嘉藏園是則

服御無華天作之瑞萬花假有疑家龍被綠柔嘉藏園是則

由女同風丁四場合霧塞宮開嘆逢時之治多故乃從含章于六

饋食

卷二百七十九

官及執事者捧俎入詣西階下次引兵部尚書工部尚

書詣西階下各指笏捧俎升殿詣僖祖室前北向跪奠

訖先薦羊次薦豕執笏俛伏興有司設置於位前次詣

諸室奉俎並如上儀俱降階復位初奠俎訖次引薦香

燈官取蕭合黍稷搗於脂燎於爐炭當饋熟之時薦香

燈官取菹搗於醢祭于豆間三又取黍稷肺祭如初俱

薦以茅退復位次引初獻再詣盥洗位正安之樂作初

升降行止皆北向立指笏盥洗爵拭爵訖以爵授執事者執笏升殿詣僖

祖室酌尊所西向基命之樂作其祖室大廟之樂宣祖

武之樂太宋宣大定之樂真宗宣熙文之樂仁宗宣美

成之樂英宗宣治隆之樂神宗宣大明之樂哲宗宣重

光之樂熈宗宣承元之樂指笏跪執事者以爵授初獻初

祭始取皇太后安之樂

獻執爵執尊者舉罍太官令搢笏跪酌酒訖執笏興先詣翼祖室酌尊所北向立初獻以爵授執事者執笏興詣僖祖室北向立搢笏跪執爵三祭酒于茅苴奠執爵笏俛伏興少立次太祝東向搢笏跪讀祝文訖執笏興先詣翼祖室東向立初獻再拜次詣諸室行禮並如上儀訖俱復位立樂止次引亞獻詣盥洗位北向立搢笏盥手悅手執笏詣爵洗位北向立搢笏洗爵拭爵訖以爵授執事者執笏升殿詣僖祖室酌尊所西向立文安之樂作執事者以爵授亞獻亞獻搢笏跪執爵執尊者舉罍太官令搢笏跪酌酒訖執笏興先詣翼祖室酌尊所北向立亞獻以爵授執事者執笏興詣僖祖室前北向立搢笏跪執事者以爵授亞獻亞獻執爵三祭酒于



茅苴奠爵執笏俛伏興再拜訖次詣諸室行禮並如上  
儀訖樂止降復位次引終獻詣洗及升殿作樂行禮並  
如亞獻之儀降復位次引太祝徹籩豆豆各一俎恭  
安之樂作卒徹樂止次引宮闈令東茅訖俱復位禮直  
官曰賜胙贊者曰賜胙再拜在位官皆再拜訖送神樂  
作一成止祠祭官於殿上贊奉神主入室次引薦香燈  
官掇笏奉帝主入室執笏退復位次引宮闈令奉后主  
入室並如上儀訖退復位初贊奉神主入室引內侍  
奏祠攝內侍伏興宮闈令捧盤節皇后神主降殿自泰階  
別廟奏訖俛伏興宮闈令捧盤節皇后神主降殿自泰階  
內侍前導置於殿內北侍以下分左右前導俛伏  
由廟面階詣別廟殿下北侍以下分左右前導俛伏  
伏跪奏訖俛伏興退次引宮闈令捧盤節皇后神主降殿  
殿奏訖俛伏興退次引宮闈令捧盤節皇后神主降殿  
安奉訖退歸幕次以下次引都大主管官往來照管祠祭  
再拜訖退歸幕次以下次引都大主管官往來照管祠祭

官於殿上贊奉神主訖次引初獻以下詣殿下望瘞位  
立定有司取幣束茅置於坎禮直官曰可瘞寘土半坎  
本廟宮闈令監視次引初獻以下詣東神門外揖位立  
定禮直官贊禮畢揖訖退御史臺太常寺閣門分引百  
僚以次退太官令帥其屬徹禮饌次引監察御史詣殿  
上復位監視收徹訖還齋所官闈令闔戶以降太常歲  
祝版于匱次別廟行饗禮如常饗之儀訖退

### 几筵撤坐

紹興十三年三月二十四日提舉修內司王晉錫言准  
除几筵都大主管所參酌比附昨顯肅皇后除几筵倒  
合預行修置火窰埽殿子委修內司修製本司計料到  
焚几筵埽殿子一座濶一丈二尺深二丈二尺前後簷

三尺舉折七尺通深三十二尺並使甌板瓦結厝裏明  
闊八尺兩廂壁各闊七尺高八尺每壁各長一丈二尺  
後壁火山子長八尺高一丈二尺合用鉄門一座高一  
丈五尺闊八尺週回裏外並係紅灰泥飾所有修製密  
子方位去處下手吉日時刻乞下所屬選定詔依

二十七日除几筵都大主管所言踏逐修置焚几筵博  
密殿子地步今來於皇城内別無地步詔於臨安府裏  
外踏逐利方修製四月五日新門外長明寺內空地可以  
修製取并與禮別無妨碍詔依

二十八日禮部太常寺言四月二十六日懿節皇后几  
筵撤坐今參酌條具到事件 一欲乞是日皇帝服忌  
日之服詣几筵行燒香之禮 一欲乞是日并前一日

前後殿不視事 一乞依禮例降勅差禮儀使一員係  
差宰執 一依禮例前一日禮儀使詣几筵前早晚上  
香至日時前行奏告之禮 一將來焚几筵時乞依禮  
例百條詣常御殿門外進名奉慰 一合用織扇從物  
等令所差禁衛計會本殿并御輦院排辦 一合差禁  
衛等乞從都大主管所相度差撥前一日絕早起本殿  
更互排立祇應 一欲乞於撒几筵日行在禁屠宰并  
停決大辟一日 一殿內外遇夜合設釋盆燈燭乞從  
都大主管所指揮所屬排辦差人照顧 一合用焚几  
筵檯子并檮擎輦官

注裝全

儀

下御輦院差及計會几筵

殿排辦詔依

四月十四日除几筵都大主管所言契勘昨懿節皇后

神主祔廟當時差過儀衛輦官僧道翰林司共九百九十二人所有今來懿節皇后除几筵欲乞依祔廟已窠差儀衛等內諸班直親從等合服紫衫黃子輦官合服緋紫衫黃帶子詔依

十七日禮部太常寺言已降指揮懿節皇后几筵搬坐是日皇帝詣几筵前行燒香之禮今參酌條具到合行

事件 一合於几筵殿側設御幄施簾合用黃羅拜褥

及請降御封降真香祝文

述以懿節皇后几筵搬坐皇帝行燒香之意

及排

設供養牙盤食茶酒果并燎草蠟燭香爐匙合等并差侍香捲簾供進茶酒捧祝版執燭等內侍官並乞依例報所屬排辦差官施行 一依禮例本家親屬陪位立班乞依例令懿節皇后親屬並前一日致齋至日陪位

立班詔依

同日禮部太常寺言今續次參酌條具合行事件 一  
勘會將來几筵撤坐前一日依禮例群臣詣几筵殿酌  
今欲乞於四月二十五日文武百僚詣几筵殿奠酌  
一群臣入奠所有合用香并上香炭火香爐匙合等乞  
依例令几筵殿排辦具合用牙盤食茶酒果乞從都大  
主管所行下諸司排辦 一合差僧道乞依禮例並一  
日絕早赴本殿更互下臨安府僧道正司差其合破齋  
食乞令支本府官錢指揮寺院供應詔依

同日禮部太常寺言四月二十六日熱節皇后几筵撤  
坐禮儀使前一日早晚上香并時前行奏告之禮今參  
酌條具合行事件 一合用御封降真香三合祝文

一首

還以熟前皇后几筵  
概生時前奏告之意

白幣一段

一早晚上香合

用供養牙盤食茶酒果乞依例從都大主管所行下主

管諸司排辦

一合用上香炭火香爐匙合等及禮畢

掌管焚燒祝文並乞從都大主管所行下本寺預先排

辦

一合用鹿脯鹿驚祠祭酒蠟燭燎草其數下臨安

府排辦其燎草交割付本殿收掌

一合差奉禮郎太

祝太官令各一員乞輪太常寺官充

一將來焚几筵

時前禮儀使行禮畢後從几筵赴利方焚燒所有隨從

几筵本殿內人俟焚几筵畢依禮例並易吉服還內

一合差扶掖几筵內侍乞從都大主管所具合用員數

闕報入內內侍省差官

一焚几筵時百僚於常御殿

門外進名奉慰

一合差焚几筵舉火內侍官一員欲

從都大主管所行下本殿差幹辦官其合用火燭柴草  
令主管諸司排辦詔依

十八日除几筵都大主管所言勘會四月二十六日懿  
節皇后几筵撤坐依禮例合選定自几筵殿升檐子時  
刻據克擇官供升檐子時宜用當日乙時吉焚几筵舉  
火時宜用丁時吉詔依

文武百僚入詣几筵殿奠醑儀

其日應合赴奠醑官并服常服守行宮北門入詣几筵  
殿門外幕次俟有司排辦香火畢御史臺太常寺閣門  
報班入詣几筵殿門之内外隨地之宜立班定班首再  
拜在位官皆再拜訖禮直官引班首升殿詣几筵香案  
前搢笏上香再上香三上香跪一奠茶三奠酒執笏俛



伏興降階復位立班首再拜在位官皆再拜訖以次退

几筵撤坐儀

其日俟皇帝自內服常服詣几筵殿側御帷簾降易忌日之服訖禮直官太常博士閤門官太常卿詣御帷前立定禮直官引禮儀使贊者引本家親屬詣几筵殿下北向立閤門報班齊禮直官太常博士引太常卿當帷定禮直官引讀祝文官升詣几筵前香案之西東向立閤門報班齊禮直官太常博士引太常卿當帷前俛伏跪奏稱太常卿臣某言請皇帝為懿節皇后几筵撤坐行燒香之禮奏訖俛復興退復位簾捲禮儀使以下皆再拜前導官前導皇帝詣懿節皇后几筵香案前奏請上香再上香三上香內侍進茶酒又奏請一奠茶三奠

酒奏請皇帝少立讀祝文官東向揖笏跪讀祝文訖執笏興又奏請皇帝致欽不拜禮儀使以下并前導官以皆再拜訖俟前導官前導皇帝歸御幄簾降禮儀使以下并前導官以次退皇帝就幄次易常服還內如來儀

### 御容

紹興十二年六月二十七日大行皇后几筵主管所言准傳宣押到忠訓郎莊宗古鄭滋赴本殿指畫追寫大行皇后御容九月二十四日禮部太常寺言龍圖天章等閣奏本閣見崇奉祖宗神御二十七位每遇旦望諸節序生忌辰合行的獻今准傳寫御容李昌甫得旨降懿節皇后御容三軸付本閣收奉所有崇奉奉聖旨令禮部太常寺討論禮儀申尚書省勘會緣見今几筵殿

崇奉懿節皇后几筵今討論合俟將來几筵撤坐後選日安奉御容依本閣見崇奉諸后禮例歲時合行酌獻詔依

十三年四月十七日龍圖天章等閣奉尋會到太常寺四月二十六日懿節皇后几筵撤坐所有將來本閣崇奉懿節皇后添置金字位牌倚座偏釘金銀器皿等欲乞候製造了畢選日奉安的獻詔依

中興禮書第二百八十卷

凶禮四十五

安穆皇后

議謚

紹興三十二年六月十六日詔追用皇后典故令禮部太常寺討論申尚書省

八月二十六日制曰朕惕奉丕圖永懷內助二南基化眷椒掖之方虛三翟升華愴梓宮之益遠庸敷大號誕告治朝故賢妃郭氏婉嫔凝姿柔嘉宅志齒閑自適際夢月之珍符政箴夙成負倪天之異表蚤繇冠族來姁潛藩振振開男子之祥疊疊迪母師之訓總笄節緹茂著於婦儀琚瑤珎璜允諧於閭則命之不淑生也有涯

茲予臨御之初不緩正名之典是用參稽古誼追建長秋輯大議於曲台禮存節惠祔容衣於清廟恩篤崇終併照無畧之恩竄謂非常之澤於戲本始之求故劔漢家及見於恭哀太興之下冊書晉室空悲於元敬尚惟冥漠其克顧歆可特追冊為皇后令有司擇日脩禮冊命二十七日詔已降故妃郭氏追冊為皇后其謚號可令有司集議以聞

九月八日禮部太常寺言今欲乞依禮例宰執侍從臺諫兩省官已上并監察御史及禮官考功郎官集議於尚書省六曹郎官以上書謚所有合用日辰據太史局選用九月十三日丙午吉詔依

同日禮部侍郎黃中等言檢准國朝故事乾德二年正

月七日太常禮院言按唐會要元和十一年順宗皇后王氏崩謚曰莊憲初太常少卿韋纁進謚議公卿集定欲告天地宗廟禮官奏議曰按曾子問賤不誄貴幼不誄長禮也古者皇后之謚則讀於廟江都集禮引白虎通曰皇后何謚之於廟又曰皇后無外事無為於郊所以必謚於廟者謚宜受成於祖宗故皇后謚成於廟請准禮集百官連書謚狀訖請於太廟然後上謚于兩儀殿今考明皇后上謚望如舊禮詔令尚書省集官議定以聞

二月十五日禮儀使扈蒙等奏曰白虎通云后夫人謚於廟臣子共定謚白之於君然後加之婦人天夫故但由君而已唐順宗王皇后是憲宗之母其時禮官遂行

賤不誅責之文讀之於廟是受成於祖宗也今詳后夫人者有太后也若不尊卑異制終恐禮意未然欲請凡母后之謚則定於廟而讀之乃合賤不誅責之意皇后之謚取天夫之義自君之命可也其孝明孝惠謚號俟百官議定制下後行用之前止命官告太廟告訖上於靈座又與周宣懿皇后禮例并同於義稱允勛會今來追用皇后依典故即不合奉用寶告廟合俟集官議定謚號勅下後奉用之前遣官奏告太廟別廟訖奉謚用寶告於追用皇后橫宮詔依

十七日翰林學士承旨制知誥洪遵等言於今月十三日集議於尚書省議曰禮莫大乎飾終仁莫隆於篤舊徂晉潛德未著於聲稱絳與祿客具垂於古晉易名斯

在節惠可稽恭進皇后道合離明功恢坤厚在洽之陽  
在渭之侯風表華宗惟瀆之神惟嶽之誕鍾淑質恩方  
承於丙殿壽已闕於丁年雖元皇之奉冊書有光身後  
豈宣帝之求故劍不逮生前仰惟黃屋之興嗟亟下紫  
泥而作命哀榮備至軫惻彌加風閉長秋念梧桐之早  
落月沈永夜追采芣之遺芳自非循恭敬而盡孝之原  
暢懷思而存善之要將何以超往謀而彰柔範者哉謹  
按謚法嚴敬事上曰恭夙夜恭事曰恭慈仁哲行曰懷  
思在進賢曰懷於以考之前規質於有衆申加懿號用  
詔方來請上皇后謚曰恭懷皇后詔依

二十三日翰林學士承旨知制誥兼侍讀洪遵奏臣伏  
奉勅命差臣撰進用皇后謚議者臣聞方與奠位中傾



則厚載虧趾魄著明薄蝕則群陰伏念悼性之懷孰昭  
於懿鑠而飾終之典尚有於舊章敢罄形容仰陳稱謂  
恭惟皇后河洲基德沙麓發祥以珩珮之音自閑以衿  
褊之戒攸服篤生名閎標金兕以騰芳作伉潛藩圖玉  
繩而增絢觀其言能逮下樛木之仁也憂在進賢卷耳  
之志也躬儉節用葛覃之風也警戒相成鷄鳴之道也  
天之巨測命乃弗融逾翟禕衣生莫都於顯號龍軌纒  
綵愴益遠於遺儀皇上業懋承祧恩深求劍軫芳年之  
不永正中相以追榮申勅下臣參稽古誼爰舉易名之  
制茂隆節惠之文謹按諡法嚴敬事上曰恭夙夜恭事  
曰恭慈仁哲行曰懷思在進賢曰懷若乃盡孝慈闡流  
徽王邸遜順彰於婦則柔嘉著於壺羹得不謂恭乎和

以待人仁而壽存寤寐思服之訓絕險陂私謁之心  
不得謂之懷乎伏請上謚號曰恭懷皇后臣謹議詔依  
十月五日禮部侍郎黃中等言恭親九月十三日尚書  
省集議恭懷皇后謚號其謚號二字續按照得後漢和  
帝母梁貴人嘗追謚為恭懷雖本朝太祖皇帝三后孝  
惠孝明孝章并與漢帝謚號相犯又太宗皇帝明德皇  
后亦與漢明德馬后皇謚號一同終是中等當時失於  
檢照申明今來欲乞特賜數奏改正施行又翰林學士  
承旨知制誥洪遵言臣伏見尚書省集官議恭懷皇后  
謚方是時執筆之次占位惟謹臣繼被旨撰謚議退而  
推考漢章帝梁貴人永元中追冊亦曰恭懷皇后正與  
今謚同幸今廟祔未建冊璽未作以至升祔立忌之禮

皆未施行誠於此時尚可亟改昔太祖皇帝時都省集議孝明皇后謚初曰章順及上謚用始易今號仁宗至和中溫成皇后初曰恭德言者以德字與太宗諸后謚同遂改於國朝固有舊比欲望聖慈下臣此章令禮官重行討論詔依禮官別行改定聞奏十五日詔恭懷皇后郭氏可改謚安穆

十七日禮部太常寺言已降指揮恭懷皇后郭氏可改謚安穆所有謚議乞令已差撰謚議官別行修撰候指揮下日令禮部遍牒施行詔依

二十八日尚書省黃牒翰林學士承旨知制誥洪遵言臣先奉勅命差臣撰恭懷皇后謚議續准指揮恭懷皇后可改謚安穆所有謚議令已差撰謚議官別行修撰

臣聞太極肇形坤載配天元之象內朝正位陰儀參帝  
所之尊故生則褱衣闕程以顯其初沒則祔典愍書以  
詔于後古今共貫方冊可稽恭懷皇后道蔚賢和德敷  
淵觀造次合肅雍之度周旋中婉嬾之觀異表風成上  
應玉林之耀高門鼎盛遠承全穴之華若乃服濟濯之  
衣儉於躬也奉祭祀之事敬於禮也朝夕憂勤進賢才  
也夙夜警戒基治道也久矣流芳於朱邱庶几齊體以  
紫宸天之難謫命乃不淑六龍在御撫故劍以空悲五  
鹿沈蹤悵遺疏之益遠雖建長秋之號未伸當宁之恩  
屬定議於曲臺將迎陪於太室惟恭懷誅行既素於前  
前聞則安穆易名何嫌於申命謹按謚莊敬盡禮曰安  
德化肅雍曰穆皇后齊明以奉時饗遜順以執婦彝非

盡禮乎淑譽洽於潛藩徽音刑于左戚非德化肅雍乎  
伏請上謚號曰安穆皇后臣謹議詔依

奉謚冊寶

紹興三十二年九月十一日禮部太常寺言故妃郭氏  
追冊為皇后其合行件可令禮官討論條具申尚書省  
取旨禮部太常寺今討論依禮例合修製謚冊寶并沿  
冊寶法物等乞令工部下文思院修製并合差撰謚冊  
文官一員書謚冊文官一員篆謚寶文官一員并乞差  
執政官撰謚議官一員乞差翰林學士詔依撰謚冊文  
官差參知政事史浩書謚冊文官篆謚寶文官同知樞  
密院黃祖舜撰謚議官翰林學士承旨洪遵

二十六日禮部太常寺言今具合行事件 一奉謚冊

寶告於橫宮行禮日并神主祔廟日依禮例皇帝前後殿不視事百司並作休務假 一奉謚用寶告于橫宮合差太傅一員依例係差宰臣詔依

二十八日禮部太常寺言今討論條具下項 一奉謚用寶告於橫宮行禮依禮例合用文武百僚陪位立班竊緣今來橫宮地步窄隘乞從御史臺閣門相度申請施行 一奉謚用寶告於橫宮行禮所有修立儀注乞從太常寺申請施行詔依

十月十八日禮部太常寺言今討論條具下項 一奉謚用寶告於橫宮依禮例合差讀寶官一員讀用官一員係差侍從官舉用官二員舉寶官二員係差禮部太常寺官充並前一日宿齋 一依禮例專差內侍官二

員掌管進呈謚冊寶訖降出乞下入內內侍省差今欲  
乞令文思院於奉謚冊寶詣橫宮行禮前二日以謚冊  
寶計會所差內侍進呈訖於前一日降出詣祥曦殿門  
外交付禮部以俟從衛至橫宮冊寶幄安奉至日行禮  
其捧冊寶職掌從衛祇應人等并合於冊寶幄之側宿  
衛所有祥曦殿門外并橫宮合設冊幄及幕次等并乞  
令儀鸞司同臨安府釘設排辦一奉謚冊寶太傅以  
下行禮官都大主管官等并立神主祭告行禮官依禮  
例並合於奉上前一日宿齋今欲乞前一日太傅自祥  
曦殿門外從冊寶至橫宮退齋於都堂至日守錢湖門  
赴橫宮行禮其餘行禮等官并宿於惠照院齋宮至日  
絕早赴橫宮行禮詔依

十一月四日禮部太常寺言依典故合俟謚號勅下後

奉用之前遣官奏告太廟別廟今具奏告合行事件下

項 一奏告日辰太史局中宜用十一月十三日乙巳

告 一合用御封降真香一十二合乞下入內內侍省

請降 一合用祝文一十二首並述以追國安穆皇后

期奏告之意 並乞下學士院修撰 一合用白幣一十二段

各長一丈八尺 以熟白絹充乞令太府寺下左藏庫支供 一

奏告一十二位每位合用酒二升鹿脯一段重四兩 鹿鷄

五合茅一束真蠟燭上香炭乞臨安府排辦 一奏告

官一員係差南班宗室正任已上充 一光祿卿奉禮

郎太祝太官令各一員欲乞令太常寺輪差本寺官詔

依自後凡遇行禮應祝文音詞表文并乞學士院修撰 御封降真香係入內內侍省請降幣帛係戶部下左



藏庫支供祀料燭燭等項  
寺係貼安府收買供應

寶齋堂

十七日禮部太常寺言今來追用皇后謚號已降勅下  
今參酌比附合行申請事件 一今來謚號勅下應官  
司行移等依禮例俟奉謚號用寶了日合稱安穆皇后  
一除已申請修製謚號寶外內寶文欲乞以安穆皇  
后之寶六字為文詔依

十二月五日御史臺言將來安穆皇后神主祔廟前一  
日奉謚用寶告於櫨宮行禮依禮例合用文武百僚陪  
位立班本臺今相度文臣欲乞集應釐務不應釐通務  
直郎已上及行在見任寺監主簿承務郎以上職事官  
赴赴陪位立班并神主祔廟日亦乞用上件官赴赴詔  
依

十日開門言今相度欲乞用保義郎以上并三街員條以上赴赴立班詔依

謚冊文

維紹興三十二年歲次壬午十二月癸丑朔二十有七日己丑皇帝若曰古先哲王修身齊家達於天下必建中壺正位乎內至於哀榮之際飾終追往廟有典常所以基王化厚人倫也朕祇荷天地宗廟之闕休對揚太上皇帝之慈訓嗣有大統將自家而刑國使天下化之乃眷良配弗克永年是用咨爾秩宗暨奉常易名考行協于僉言愍用徽章肆以時舉皇后郭氏婉婉懿恭祇若古訓粵自初載嬪于潛藩綸翟以朝佩玉以居下撫上承率履弗越命之不淑方華而殞日月逝矣音容如新朕問安寢門以天下養而盥櫛之禮后弗克親朕封建諸子以屏王室而朝會之盛后弗克見念莫于助慨

然于中追懷平生以詔後世今遣太傅陳康伯用謚曰安穆皇后正中宮之名予以協陰教升別廟之祔予以安神靈于昭淑聲永永無極嗚呼哀哉

十日太常寺言追用皇后奉用寶告於攢宮行禮本寺今修立到行禮儀注詔依

奉謚用寶儀

奉迎宿衛

前一日奉謚用寶太傅讀用寶官舉用寶官並常服守和寧門入詣祥曦殿門外幕次太常寺贊引祇應人禮部職掌及援衛親從輦官儀仗等并於殿門外隨地排立以俟掌管進呈謚用寶內侍請降謚用寶出祥曦殿以授禮部於殿門上權置定次禮直官引太傅已下詣

殿門下隨地立班再見訖如恆兩或權側身立俟有司奉迎接衛儀仗等進行太付以下後從都大主管官往來照管至和寧門外并騎從謚用寶出清波門赴橫宮門外並下馬從入禮部職掌捧謚用寶詣幕次權置定訖太傅退宿齋於都堂其餘行禮官退並宿齋於惠照院齋官捧用寶職掌接衛祇應人等並於用寶幄之側宿衛儀仗退

### 奉上謚用寶

其日太傅并文武合立班官并儀仗鼓吹僧道等並守錢湖門赴橫宮幕次讀用寶等行禮官至日並先赴橫宮幕次以次內謁者各神主次題神主官書題神主訖禮儀使奏請神靈上神主次太常卿行祭告禮訖禮部

職掌捧謚用寶詣殿下稍東西向褥位用南寶北置定都大主管官往來照管俟有司排辦畢備次御史臺閣門太常寺分引文武合立班官詣殿下及殿門內并外廊上隨地之宜立班定次禮直官引讀用讀寶官詣寶案之後褥位西向立次引舉用舉寶官於讀用讀寶官之後立次太傅詣殿下東向立禮直官贊太傅躬拜贊者曰拜在位官皆拜訖次引太傅升殿詣追用皇后香案前搢笏上香再上香三上香跪一盃茶三奠酒執笏俛伏興再拜訖降階復位少立次引太傅詣殿下南向褥位俛伏跪奏稱太俛臣某言奉詔奉上追用皇后謚號用寶奏訖俛伏興次引太傅詣用匣案之後立次舉用官詣用案搢笏跪舉用匣興

此舉用寶官禮

職掌先

捧冊案升詣殿上香案前置於褥位南向次舉用官舉行太傅搢笏捧冊升殿至褥位南向跪奠用匱於案上太傅執笏興少退稍西褥位東向立次舉用官執笏興少立次引讀用官升殿詣用匱之後南向立舉用官搢笏跪舉用次讀用官搢笏讀用訖執笏興降階復位立舉用官奠用於匱次舉用匱興職掌先捧冊案於殿上稍東褥位置定舉用官舉用匱跪置於案上舉用官執笏興降復位立次引太傅降階詣寶案之後立次舉寶官搢笏跪舉寶盞興職掌先捧寶案升詣殿上香案前置於褥位南向次舉寶官舉行太傅搢笏捧寶升殿至褥位南向跪奠寶盞於案上太傅執笏興少退稍西褥位東向立次舉寶官執笏興少立次引讀寶官升殿

詣寶案後南向立舉寶官指笏跪舉寶次讀寶官指笏  
跪讀寶訖執笏興降階復位立舉寶官奠寶於盞次舉  
寶盞興職掌先捧寶案於殿上稍東待位置定舉寶官  
舉寶跪置於案上舉寶官執笏興降復位立次引太傅  
降復位東向立禮直官贊太傅躬拜贊者曰拜在位官  
皆再拜訖退應行禮官執應人及太傅并讀用寶官舉  
用寶官退宿齋於齋宮以俟次日絕早詣橫宮朝拜訖  
俟內常侍奏請神主詣太廟行祔廟之禮內謁者捧神  
主升腰與訖以俟儀仗鼓吹僧道等前導用寶神主詣  
太廟行禮其儀仗鼓吹等至櫺星門先退